

新修曲沃縣志卷之五

知縣 張 坊 纂輯

形勝

稱晉國之雄峻。必曰南有三門八陁。北有清涼管涔。其餘諸山。孩視而已。然沃之險。蒙阮鐵嶺足據也。沃之峻。東陁絳山足恃也。三面距太行。而登彼崇山。聳如戟峙。拱如笋束矣。汾澮天井。滌滌數川。分流合注。駛如馬奔。淨如練澄矣。夫川嶽有靈。往往待人而顯。永嘉郡海隅。探幽必往焉。吟詠有康樂也。柳州地蠻瘴。選勝必及之。品題自河東也。况沃為古侯國。若使得康樂。河東其人。朝遊而夕記之。則事在跡留。曲沃新田之風景。聿昭。山川可以不恨。更增列十景於後。覽雲物以壯河山也。志形勝

新修曲沃縣志

卷五

形勝

一

表裏山河

左傳

被山帶河天下要地

三國志

介兩河間據山川之勝

一統志

前紫岫後橋峯澮水橫其襟汾流引其帶山川盤結風氣攸

鍾

府志

北倚蒙阮之險南接步坑之固左據太行之麓右跨鐵嶺之

關

劉志

曲沃多懸崖道路亦狹而盤紆故曰曲

巡視河東記

關扼鐵嶺之雄險分蒙阮之固背橋面絳阻澮控汾天府雄

風三晉重地

附十景

沃國春光 在縣西南二里。舊名晉城。春色。卽西周晉成侯所徙。五傳侯國。昭侯封桓叔於曲沃。居歷三世。號爲沃國。卽此。晉遷新田。賜欒氏爲食邑。有中城外城。東西北三面遺址宛然。其城東接韓村。西抵林城。面對絳山。下臨澮水。極爲奇觀。每歲清明上巳。天桃弱柳。社鼓錫簫。風景不殊。南國都人士女。寶馬香車。踵相接也。乾隆戊寅。東西韓香關。國學韓璜。韓楷。張河。張琮。楊宗震。李芝惠。築臺建亭。種花。勒刻於其城。以供遊人詠觴。

新田秋色 在縣西南三十里。左傳魯成公六年。晉遷於新

新修曲沃縣志

卷五 形勝

一一

田。又號新絳。卽其地也。絳山爲屏。峨嵋列峙。澮繞其前。汾環於右。秋深之際。煙光凝暮。山紫丹柿紅葉。如錦如霞。登高遠眺。覺霸國雄圖。儼然遇諸蒼茫翠靄之間。薛文清詩有云。孟秋雨霽到新田。綠樹人家斷復連。汾澮波光晴映日。絳橋山色曉參天。乾隆戊寅。知縣張坊。特指示其地於衆。邑歲貢宋郭賈益。侯馬郭秉孝。愛其跡。因建札說亭。勒碑懸額於澮水之上。故國河山。流覽不盡矣。

景明瀑布 在縣東南二十里。絳水自絳縣蜿蜒而來。經青玉峽。峽中怪石參差。立者卧者。欹伏而蹲踞者。水行其間。怒激迅奔。臨懸崖而下墜。卽沃泉也。水經注云。青崖若黠

黛素湍如委練。望之極爲奇觀。知縣張坊見水勢傾斜。引工鑿之。平鋪水流。直如廬山瀑布。邑進士劉樸和詞云。別開生面煥文章。留得箇雲山瀑布。泉北有白石園。爲明白石山人李鎮棲隱處。中有白石樓。五松亭。西則杏塢樓。後爲賈中丞別墅。

星海溫泉 在縣東北三十里。俗名七星海。以泉有七也。淳泓滙瀦爲巨池。廣逾數畝。中產紅蓮。舊名龍廟蓮潭。有亭翼然臨其上。四圍竹木蓊蔥。微風一過。清波皺紋。漣漪可愛。其水常溫。至冬轉甚。亭上望之。氣鬱如蒸。令遊者作驪山湯泉想。地脈之奇。真不測也。前爲八卦海。以池八面方砌也。泉流下漑二十一村地。凡數千畝。舊引入縣學宮泮池。久廢。知縣張坊爲復其舊。

濟溪印月 在縣南五里澮水之南。濟溪出絳山麓深井間。舊傳有梅月映其中。後建亭覆其上。而井中所見惟屋。并無月也。知縣張坊於亭脊上。命工露其顛。月色中天。可印水中矣。亭下刻石爲龍首形。泉從口出。滙而爲池。方廣十數丈。澄澈無纖塵。下視遊鱗。歷歷可數。四圍奇峯突兀。峭壁如削。水光月色。更相輝映。昔人詩云。潭水寒生月。松風夜帶秋。一似爲此處寫照。

汾隰流雲 在縣西北四十里汾曲之上。汾水自北南流入

縣封王境。會天井水。忽自汾陰折而西流。歷南北莊。大小李。至褚村。凡十數里。一曲南流。水如帶繞。盤旋潑澗。夾岸榆棗葱蘢。雜植蔭翳。春夏之交。川湧流漲。舟檣上下。絳太山巒塔影城雉。烟雲迷離。瞬息萬狀。明薛瑄詩。汾隰漲消。秋色淡。虎祁宮。老夕陽明。蓋謂此也。知縣張坊。因公過褚村。平望間。登高阜。適當被汾一曲。近撫絳橋。遠望太行。姑射。憑眺流連。歲貢褚講。國學褚楷。褚士煜。褚肇。經。劉成壁。趙玠。房翠環。因築臺建環汾閣。題額勒石。以供名流賞玩。

絳山晚照

縣境山之在南者。曰紫金。曰水岩。曰觀音。曰峨嵋。名因峯別。實皆絳山也。其西南峯巒。草木不生而色赤。

新修曲沃縣志

卷五

形勝

四

當夕日西沉。晚烟欲合。仰視峯頂。餘霞殘照。猶晃晃留壁間。浮圖立雲中。俗名無影塔。舊有寺。今圯。邑人因二卿詩有云。歸僧爲認山中塔。道是金身現遠空。又耿純句。薄影射時雲欲散。微光照處鳥將棲。其山下爲鬪龍溝。知縣張坊。以左傳龍見絳郊卽其地。因易名見龍溝。中有邑人行有條花園。因覆亭絳山之上。以名其勝。

橋嶽晴嵐

在縣北四十里。卽橋山中峯也。峯前山脚有廟。土人呼爲下廟。從廟下取徑直上。山勢截然中斷。上建黃帝宮。殿瓦皆鐵。山多栢。環生石隙中。青碧萬狀。望之鬱鬱然。天將雨。有片雲倚殿。輒甘霖隨之。每山雨初過。新霽乍

開下視山村田塍散。渙夷陸。蒼煙瀰漫。若斷若連。而千峯萬壑。青翠如洗。嵐光欲流。元人靳榮詩云。嵐氣滿山晴樹濕。翠光凌漢午風寒。

晉殿懸冰 卽絳山水巖也。西爲觀音峯。巒迴谷幽。泉出半山。流被石崖。冬則凝而成冰。山陰返寒。日光不及。雖至春夏而堅冰積雪。固結不散。晉都澹水之北。沃城宮殿。正與巖對。遙望如玉屏拱列。天半高懸。又如姑射神人。肌膚冰雪可念。卽盛夏觀之。猶覺清冷逼人。靳榮有詩曰。遠映朝衣環珮冷。正當黼座冕旒明。與前詩寫景。俱爲最肖。邑生監衛居敬久敬。卽建亭於蟋蟀堂前。以憑眺賞玩。

新修曲沃縣志

卷五 形勝

五

神陂落雁 在縣北十里。俗名太子灘。舊自神泉村。注水其間。漚而爲湖。今涸。地平坦。四望寥廓。每秋風西來。蘆荻蕭蕭。露冷霜飛。羣雁恒集於此。相傳晉太子泛舟此地而沒。灘旁十一村建廟傷之。配以荀息里克。後人去里克而獨祀荀息。并所事之奚齊卓子焉。前趙鄭二令。以俱屬不經。卽繪祀恭世子申生。然香火久寢廢矣。廟之東。厰曠空洞。北瞻橋嶽。南眺絳山。知縣張坊。偶一登臨。輒不忍舍去。十二村遂復修其廟。築臺覆亭。當旭日出沒。紅輪昇降。如臨望日亭閣。爲美景第一。又寅午酉三時。四野地氣薰蒸。浩瀚汪洋。如秋天銀河。大地長江。縹緲無際。帶繞周遭。太行

橋絳之表。天井汾澮之中。覺別有一天地焉。

增修四景捐地姓氏

山川來自東方。岡巒環少西面。添修四景。以補偏虧。非以侈呈遊觀。實則培植風水。然景物易壞。看守需人。欲備資生。詳載租息。

沃國春光 圍垣內地共一畝五分三釐四毫。糧銀一錢六分三釐。王郭氏捐一畝二釐四毫。糧銀一錢九釐。韓

素俞捐三分四釐。糧銀三分六釐。郭崎捐一分二釐七毫。糧銀一分三釐。張五老戶捐四釐五絲。糧銀五釐。

外分撥十王院官地二十畝。糧銀二兩一錢二分二釐。五共糧銀二兩二錢八分五釐。

係東西韓香關安吉楊村城小林城鳳城七村經營修理。新田秋色 圍垣內地共二畝八釐五毫八絲。糧銀二錢二

分一釐。弟清捐五分六釐二毫三絲。糧銀一錢六分一釐。僧性聰捐一畝五分一釐三絲。糧銀一錢六分一釐。

外侯馬東門外官地。兄弟清地九畝四釐五毫二絲。糧銀九錢五分九釐。又東門存官地一十四畝八分八釐二

毫。糧銀一兩二錢二分一釐。三共糧銀二兩四錢一釐。係名賢會經營。歲清明重九。燕集。營運修理。

新修曲沃縣志

卷五

形勝

六

神陂落雁

在太子廟左。圍垣內地共二畝。糧銀二錢一分

二釐。荀大興捐四分六釐。荀環捐二分三釐。荀槐捐二分三釐。張振遠捐五分六釐四毫。錢糧前後俱勒廟碑。

太子廟前

捐地二十畝九分六釐三毫七絲五忽。共糧銀二兩二錢二分四釐。東張寨蓋日成捐二畝五分。蓋

紹周捐二畝五分。安居村柴成周捐八分二釐三毫。柴維捐八分二釐五毫。荀王村荀權捐二畝九分二毫。

李芳捐二畝二分九釐。許入倫捐一畝二分七釐。荀黃捐一畝八分七釐。張安娃捐一畝七分二釐四毫。

荀棟捐地七分一釐一毫。荀環捐七分一釐一毫。荀棟捐地七分一釐一毫。張倉娃捐七分。二宗共糧銀二兩四錢三分六釐。

係東社上下太許張莊南社席村安居北社荀王北鄭林節西社東西坡裏三張寨十二村神會銀修理。

汾隰流雲

圍垣內地一畝五分一釐二毫五絲。共糧銀一

錢六分一釐。北平望褚寬捐一分糧銀一分一釐。褚村玄風觀捐一畝一分六釐七毫。糧銀一錢二分四釐。

買北平望楊繼會地二分四釐。糧銀二分六釐。外小李米中義妻郭氏無嗣。義捐郭丕琳。抵還河南滎陽

鎮本銀三百兩。房屋一進。

又米郭氏。捐郭馬郭思仁房屋十間。每年房租銀六兩。係褚村南北平望。三村會首。經營修理。沃南北皆山也。南山之北不六七里而遙。有水曰澮。北山之南。不二十里而遙。有水曰合。澮之南。合之北。其邱轟然以高。其壑窈然以深。各抗厥勢以接於山。而澮之北。合之南。東南澮高山。東北覆釜堆。峻嶒離立。輪囷蓬勃。踰翼以達於沃。七十里中。修岡孤阜。平疇高高下下。坦以直者。環以曲者。蹙之隘而行之敞者。皆雨水束焉而西。西復漚以汾。蓋嘗周覽四境。竊思晉國繼霸。主盟中夏者數世。雖曰人謀。豈非地利哉。知縣潘錦原敘。